

Beste aitortza bat egin diote elikadura osasungarriaren alde daukan konpromisoari

ENPRESA EKIMEN ONENAREN NAOS SARIA LORTU DU EROSKIK

- **Epaimahaiak aitortza egin dio EROSKIren EKILIBRIA programari, zeinak nutrizio arloko diagnostiko pertsonalizatua doan eskaintzen dion kontsumitzaileari**
- **Bigarren aldiz lortu du NAOS saria, eta hiru accesit ere baditu aurretik**

Madril, 2019ko apirilaren 17a.- [NAOS Estrategia Sarien XII. ekitaldiko](#) epaimahaiak 'enpresa ekimen onenaren saria' eman dio [EROSKI](#)ren EKILIBRIA programari. Elikadura arloko Segurtasunaren eta Nutrizioaren Espainiako Agentziak bultzatzen ditu sari horiek ([AESAN](#)). Osasun, Gizarte Zerbitzu eta Berdintasun Ministerioari atxikia dago erakunde hori, Osasun eta Kontsumo Idazkaritza Nagusiaren bitartez.

Espanian programa aitzindaria da [EKILIBRIA](#), eta informazioaren teknologia berriak erabiltzen ditu nutrizio arloko diagnostiko pertsonalizatua eskaintzeko EROSKIren Bezero-Bazkideen erosketa ohituretatik abiatuz. Programa horrek, gainera, nutrizio kalkulagailu bat ere badakar norbere gorputz masaren indizea jakiteko eta guztira zenbat energia gastatu den ikusteko, eta beste adierazle batzuk ere baditu, kontsumitzailearen nutrizio egoeraren gainean balorazio osoago bat izateko. Ebaluazio horren bidez, kontsumitzaileei aukera ematen die erosketa saskiaren osaera hobetzeko eta, era horretan, produktuen konbinazio orekatuagoa lortzeko, norberak nutrizio arloan dituen beharriazetatik abiatuta. Programak txosten pertsonalizatu bat bidaltzen du hileroko, eta EROSKIko Bazkide-Bezeroak oso modu errazean jakin dezake bere erosketa orekatua ote dagoen elikagai multzo guztietan eta kaloriak eta beste mantengutzaileak zenbateraino egokitzen zaizkien haren beharriazetari. Horrekin batean, denborarekin norberak zenbat aurreratu duen ere ikus daiteke, azken hamabi hilabeteetako bilakaeraren berri ematen du eta.

Era berean, errezeta osasungarri sorta zabal bat ere eskaintzen du programak, eta nutrizioaren gaineko kontsultategi bat, non EROSKIren nutrizionista taldeak aholkuak eta argibideak ematen baititu.

EROSKI

Komunikazio Korporatiboko zuzendaria
Xurdana Fernandez

Tel: 946 211 214

comunicacion@eroski.es

**EROSKI – PRENTSA BULEGOA
CONSEJEROS DEL NORTE**

Joana G. Landazabal
Eduarne Izquierdo

Tel: 944 158 642

[Online prentsa aretoa](#)

EROSKIik bigarren aldiz eskuratu du NAOS saria****

NAOS sari hau ez da lehenbizikoa. 2008an ere hartu zuen, *EROSKI Zurekin* nutrizio eta ongizate programarengatik; programa horretan, marka propioko produktuen nutrizio kalitatea hobetu zen, eta, hala, landare gantz partzialki hidrogenatuak kendu; horrekin batera, marka propioko produktuen nutrizio etiketa ere hobetu zen, nutrizio arloko semaforoa txertatuta, eta kontsumitzailea hezteko eta informatzeko jarduerak martxan ipini ziren, baita haur gizentasunari aurrea hartzeko kanpainak egin ere.

Bi sari horietaz gain, beste hiru accesit ere baditu EROSKIk, 2011n, 2014an eta 2018an lortuak, eta horrek berretsi egiten du elikadura osasungarriaren alde egin duen apustu jarraitu eta sendoa. Konpromiso hori oraintxe dela urtebete aurkeztu du kooperatibak bere dekalogoan, eta horren asmoa da bizi kalitatea eta kontsumo eredu iraunkorra hobetzen laguntzea. Zehazki, [Osasunaren eta Iraunkortasunaren arloko 10 Konpromisoak](#) dira, zeinak ardatz hauen inguruan biltzen diren: elikadura arloko segurtasuna, elikadura osasungarriaren eskuragarritasuna, tokian tokiko janari ekoizpena sustatzea eta ohitura osasungarrien inguruan hezte eta informatzea. Horiek guztiak aurrera ateratzeko, 20 jarduera lerro baino gehiago lantzen dira.

"Gure bokazio soziala da, kooperatiba garen aldetik, gizarte iraunkorrago baten alde egitea eta osasun eta ongizate kota handiagoak sustatzea. Gure enpresak sortu zenetik beretik dihardu bizi ohitura osasungarriak sustatzen eguneroko jardunean, eta gure lehentasun garrantzitsuenetakoa da. Aitortza honek berretsi egiten du gure ekarpen eta konpromiso etengabea baliagarria dela pertsona kontsumitzaileen osasuna hobetzeko, eta animatu egiten gaitu lanean jarraitzera", esan du EROSKIren Osasun eta Iraunkortasun arloko zuzendariak, Alejandro Martinez Berriochoak.

NAOS sarien XII. ekitaldi horretan 92 proiektu aurkeztu dira. Sari horiekin aitortu eta ikusgarritasuna eman nahi zaie ekimen onei eta ekarpen onena egin dutenei NAOS Estrategian proposatzen diren helburuak lortzeko. Espainiako Osasun, Kontsumo eta Gizarte Zerbitzuen Ministerioak sustatzen du NAOS Estrategia, eta helburua da herritarrak jabetzea zer-nolako arazoa den gizentasuna osasunerako, eta politika eta programa egokiak abian jartzea elikatzeko ohiturak hobetu eta jarduera fisikoa egiteko joera sustatzeko.

EROSKI

Komunikazio Korporatiboko zuzendaria
Xurdana Fernandez

Tel: 946 211 214

comunicacion@eroski.es

EROSKI – PRENTSA BULEGOA

CONSEJEROS DEL NORTE

Joana G. Landazabal
Edurne Izquierdo

Tel: 944 158 642

[Online prentsa aretoa](#)